



AXUDAS LIBROS DE TEXTO, MATERIAL ESCOLAR E FONDO SOLIDARIO

ORDE do 27 de abril de 2016 (D.O.G. 16-5-2016) pola que se regula o fondo solidario de libros de texto e se convocan axudas para a adquisición de libros de texto e material escolar, destinadas ao alumnado matriculado en educación primaria, educación secundaria obrigatoria e educación especial en centros sostidos con fondos públicos, no curso escolar 2016/2017.

NORMAS COMÜNS:

DATOS DO CENTRO: Na solicitude débense poñer estes datos nas casillas correspondentes:

Denominación: C.P.I. AS MIRANDAS - Tipo: Público - Concello: Ares - Código: 15000338

PRESENTACIÓN: As solicitudes en soporte papel, entregaranse **nos centros docentes** nos que estea matriculado o alumnado, nos rexistros oficiais ou por correo. Presentarase **unha única solicitude para todas as axudas**, e se un solicitante ten varios fillos ou fillas matriculados, deberá presentar unha sóa solicitude para todos eles. As axudas serán solicitadas polos pais, nais, titores ou representantes legais do alumnado.

PRAZO: Para todo o alumnado, **do 17 de maio ao 23 de xuño de 2016**, ambos incluídos.

SOLICITUDE E DOCUMENTACIÓN: As instancias poderán obterse no centro, nas Xefaturas Territoriais da Consellería de Educación e tamén se poderán descargar na sede electrónica da Xunta <https://sede.xunta.es>, na páxina <http://edu.xunta.es> ou na páxina web do centro. Unha vez cuberta a solicitude deberá presentarse, xunto coa documentación que se indica a continuación, asinada polo pai, a nai ou titor/a do alumnado.

Xunto coa solicitude presentarase **orixinal e copia** da seguinte documentación co fin de que a persoa que a reciba poida verificar a autenticidade da copia e devolva os orixinais:

- **Alumnado de educación primaria e de educación secundaria obrigatoria.**

- a) Libro ou libros de familia no/s que figuren todos os membros da unidade familiar. No caso de non ter libro de familia, ou se a situación familiar, a día 31 de decembro de 2014, non coincide coa do libro, terá que presentarse documento ou documentos acreditativos do número de membros da unidade familiar, tales como:
 - Sentenza xudicial de separación ou divorcio e/ou o convenio regulador onde conste a custodia do causante.
 - Certificado ou volante de convivencia.
 - Informe dos servizos sociais ou órgano equivalente do concello de residencia.
 - Certificado de defunción.
- b) No caso de discapacidade dalgún dos membros da unidade familiar incluídos na solicitude deberá acompañarse dos documentos que acrediten esta circunstancia a 31 de decembro de 2014.
- c) No caso de situación de violencia de xénero no contorno familiar: a documentación acreditativa do feito.

- **Alumnado de E.E. ou con discapacidade igual ou superior ao 65%:** Certificado do grado de discapacidade

O centro educativo poderá requirir das persoas solicitantes aclaración ou complementación da documentación presentada.

DETERMINACIÓN DA UNIDADE FAMILIAR:

1. Para os efectos previstos nesta orde, e con referencia á situación familiar en 31 de decembro de 2014, considérase que conforman a unidade familiar:

- a) Os proxenitores non separados legalmente ou divorciados e, se fora o caso, o titor ou titora, ou a persoa encargada da garda e protección do menor.
- b) Os fillos ou fillas menores de idade, con excepción dos/as emancipados/as.
- c) Os fillos ou fillas maiores de idade con discapacidade física, psíquica ou sensorial ou incapacitados xudicialmente, suxeitos á patria potestade prorrogada ou rehabilitada.
- d) Os fillos ou fillas solteiros menores de 25 anos e que convivan no domicilio familiar.
- e) A persoa progenitora separada legalmente ou divorciada cando haxa custodia compartida.
- f) A persoa que por novo matrimonio ou unión de feito, conviva no domicilio familiar coa proxenitora.

2. Cando non exista vínculo matrimonial, a unidade familiar entenderase constituída polo pai, a nai e todos os descendentes que convivan con eles, e que reúnan os requisitos antes mencionados.

3. Non se considerará membro computable a persoa proxenitora que non conviva co alumnado nos casos de separación ou divorcio, agás en caso de custodia compartida, nin o agresor nos casos de violencia de xénero.

RENDA PER CÁPITA:

1. Enténdese por renda per cápita a renda familiar do exercicio 2014 dividida entre o número de membros da unidade familiar computables.
2. Para o cálculo da renda per cápita da unidade familiar, **computaranse por dous** os membros da familia, incluído/a o/a alumno/a, que figuren na solicitude e teñan recoñecida en 31 de decembro de 2014 unha discapacidade igual ou superior ao 33 %.
3. Nesta convocatoria, para os efectos de determinar a renda per cápita familiar, terase en conta a situación persoal e familiar a 31 de decembro de 2014 e o exercicio fiscal 2014.
4. A renda familiar obterase pola suma das rendas de cada un dos membros computables que obteñan ingresos de calquera natureza, de conformidade coa normativa reguladora do imposto sobre a renda das persoas físicas. Os membros da unidade familiar que presentasen declaración do imposto sobre a renda de 2014, **sumarán os recadros 430 (base imponible xeral) e 445 (base imponible do aforro)**. No caso de non presentar declaración, terán que sumar os ingresos netos de todos os membros computables da unidade familiar durante o exercicio 2014.

DETALLES ESPECÍFICOS DE CADA CONVOCATORIA:

I) FONDO SOLIDARIO DE LIBROS DE TEXTO:

OBJECTO DA CONVOCATORIA: Ten por obxecto regular o fondo solidario de libros destinado ao alumnado matriculado en 3º, 4º, 5º e 6º de educación primaria e en 1º e 3º de educación secundaria obrigatoria ou educación especial en centros sostidos con fondos públicos da Comunidade Autónoma de Galicia, para o curso escolar 2016/2017.

ASIGNACIÓN DE LIBROS: O centro asinará o uso dos libros de texto dispoñibles **en orde inversa á renda per cápita** da unidade familiar. O alumnado con discapacidade superior ao 65% terá preferencia de adxudicación. A **relación provisional** de solicitudes admitidas e excluídas publicarase no taboleiro de anuncios e na páxina web do centro o día **22 de xuño de 2016**. Poderase formular reclamación contra a mesma no prazo de dous días. A **relación definitiva** de solicitudes admitidas publicarase polos medios anteriormente mencionados o **14 de xullo** para educación primaria e o **15 de setembro** para ESO.

OBRIGAS DOS BENEFICIARIOS: Conservar en bo estado os libros de texto adquiridos coas axudas, así como devolveos ao fondo solidario ao rematar o curso escolar 2016/2017.

ENTREGA DE LIBROS: Os libros entregaranse ao alumnado beneficiario do fondo o **día de inicio** das clases en educación primaria e a partir do **15 de setembro** en educación secundaria.

DEVOLUCIÓN DE LIBROS: Os libros do curso actual 2015-16, adquiridos coas axudas, devolveranse no centro antes do día 22 de xuño, agás en educación secundaria aquel alumnado que os necesite para preparar a convocatoria extraordinaria de setembro, que poderá ter ata o 7 de setembro o libro que necesite.

II) AXUDAS PARA A ADQUISICIÓN DE LIBROS DE TEXTO:

OBJECTO DA CONVOCATORIA: Convócanse as axudas para a adquisición de libros de texto para o alumnado matriculado en 1º e 2º de educación primaria, en 2º e 4º de educación secundaria obrigatoria ou en educación especial en centros sostidos con fondos públicos da Comunidade Autónoma de Galicia, no curso escolar 2016/2017.

CONTÍA DAS AXUDAS: A Consellería de Educación aboará as axudas ás persoas solicitantes que reúnan os requisitos previstos, nos seguintes importes por alumno ou alumna e curso, segundo a **renda per cápita familiar do ano 2014**:

Educación primaria:

- Renda per cápita familiar ata 5.400,00 €: 170 €.
- Renda per cápita familiar desde 5.400,01 ata 9.000,00 €: 90 €.

Educación secundaria obrigatoria:

- Renda per cápita familiar ata 5.400,00 €: 180 €.
- Renda per cápita familiar desde 5.400,01 ata 9.000,00 €: 104 €.

O alumnado que presente unha minusvalidez igual ou superior ao 65%, que solicite a axuda e que cumpra os requisitos desta orde recibirá un importe de 250 €, con independencia da renda per cápita familiar.

OBRIGAS DOS BENEFICIARIOS: Conservar en bo estado os libros de texto adquiridos con cargo ás axudas, así como incorporalos, ao rematar o curso escolar 2016/2017 ao fondo solidario de libros. Exclúese desta obriga o alumnado de 1º e 2º de primaria, así como aquel que teña discapacidade igual ou superior ao 65% e non sexa reutilizable.

III) AXUDAS PARA A ADQUISICIÓN DE MATERIAL ESCOLAR:

OBJECTO DA CONVOCATORIA: A convocatoria de material escolar dirixese ao alumnado matriculado en calquera curso de educación primaria, educación secundaria obrigatoria e educación especial cuxa unidade familiar teña unha renda per cápita igual ou inferior a 5.400 euros.

CONTÍA DA AXUDA: Será de **50 € por alumno/a**.

ADQUISICIÓN DO MATERIAL ESCOLAR. Unha vez que a persoa solicitante estea en posesión do vale, poderá adquirir material escolar no correspondente establecemento, á súa libre escolla, e polo importe máximo que figura no documento. As persoas beneficiarias do vale deberán usalo o antes posible e como máximo até o día 7 de abril de 2017.